



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 1024. Qui veniant nomine depopulatorum agrorum, & num tam diurnus, quàm nocturnus de populator propterea privetur asylo.

---

[urn:nbn:de:hbz:466:1-73957](https://nbn-resolving.org/urn:nbn:de:hbz:466:1-73957)

bium, rumor vulgi; unde extrahi non potest, donec latrocinia probentur, etsi extractionem prætendens dicat ea esse notoria sed debet audiri reus Farin. *l.c. n. 155*. Castrop. *l.c. n. 2*. Decian *l.c. Reiffenst. h.t. n. 93*. Wiestn. *h.t. n. 101*.

2. Resp. Ad secundum: Grassatores, etsi fere confundantur cum latronibus publicis, strictius tamen accepti in hoc ab illis distinguuntur, quod in viis publicis homines violenter aggrediantur & despolient sine cæde tamen Arg. constitutionis Gregorianæ ubi dum ut distincti enumerantur, nulla fit cædis mentio item Arg. *L. capitulū §. 10. ff. de pens.* Caterum ut priventur Asylo, eadem omnino requiruntur quæ ad latronem publicum requiri diximus; nimirum ut non solum unâ alterave vice homines violenter aggrediantur & re ipsâ despolient in viis publicis seu itineribus frequentatis, ita tamen, ut sicut dictum de latronibus publicis, censeantur tales & priventur asylo, licet id non faciant in stratis publicis, sed in domibus privatis homines violenter aggrediantur eisque vi bona sua abripiant, aut eos ligent, includant, teneant, ne se defendant miseri ut ipsi interim cistas aperire & alia è domo rapere possint. Unde jam etiam fures sive simplices, sive qualificati, sive occulte, sive aliis videlicet auferunt aliis sua, modò id faciant sine vi vel armis, adhuc fruuntur asylo: quia furtum, quantumque de cætero qualificatum, non numeratur inter delicta excepta. Hostiens. *in c. inter alia. h. t. n. 4*. Dian. *p. 6. tr. 2. resol. 15*. Wiestn. *h.t. n. 102*. His non obstante, quòd teste Covar. Claro & aliis ante constitutionem Gregorianam vi consuetudinis istiusmodi fures fuerint extracti ex asylo, quia dictæ consuetudines per illam constitutionem plene sublata. posse verò de novo illi constitutioni, quò ad hoc per consuetudinè aliam rationabilem legitime præscriptam derogari censent Farin. *de immunit. c. 6. n. 94*. Gazzin. *de def. reor. l.c. 37. n. 59*. Gonz. *in c. inter alia. h.t. n. 7*. quos citat & sequitur Wiestn. *n. 7*. & sic alicubi ei derogatum esse volunt aliqui, quod, num verum, viderint ipsi, qui affirmant, ait Delb. *du. 14. n. 4*. si verum, se non audere damnare talem consuetudinem.

*Quest. 1024. Qui veniant nomine depopulatorum Agrorum & num tam diurnus quam nocturnus depopulator propterea privetur asylo.*

1. Resp. Ad primum: Depopulatores agrorum dicuntur illi, qui agrorum segetes, vinearum fructus deperdunt seu devastant conterendo (v.g. incendio per segetes, latitando in iis) incendiando, auferendo, depascendo, sive id faciant animo pure nocendi domino, sive ut sibi suòque commodo prospiciant. Hostiens. *in c. inter alia. h. t. v. nocturnus*. Fagn. *ibid. n. 27*. Castrop. *l.c. p. 9. n. 4*. Wiestn. *h. t. n. 109*. Jordan. *Lucub. L. 2. lit. 3. n. 322*. Sive hæc devastatio fiat publice sive in occulto, modò ea legitime probetur, seu de ea constet notorietate juris aut facti, cum jura indistincte de ea loquantur, nullam facientes mentionem de publicitate illius, sicut faciunt de latronibus & grassatoribus. Castrop. Wiestn. *LL. cit. Reiffenst. h.t. n. 92*. Et modò sit vera depopulatio, qualis non censetur, dum quis solum aliquam partem segetum deperdit, latitando v.g. in eis, aut iter faciendo per eas, vel manipulos aliquos simpliciter furatur; sed qui totaliter vel graviter devastat, quia is solum reip. quietem & tranquillitatem perturbat graviter, quem proinde præ aliis puniri interest Fagn. *in c. inter alia. n. 28. in fine* Wiestn. Reiffenst. *ll. cit. Arg. l. fin. c. quando liceat sine Juda & cum Gl. ibidem*.

2. Resp. Ad secundum: Neque hic faciendum videtur discrimen inter depopulatorem diurnum & nocturnum, ita ut prior adhuc gaudeat asylo & nocturnus, probabiliter docent Farin. *in append. c. 1. n. 161*. Barb. *de jur. Eccles. l. 2. c. 2. n. 87*. Haunold. *tom. 6. tr. 2. n. 194*. Wiestn. *n. 111*. dicens, id moderno jure esse verius ex eo capite, quòd Gregor. in Bulla sua omittend o particulam restrictivam: *nocturnus*, ab asylo excludi voluerit quemcunque agrorum depopulatorem; cum per unum non creetur majus damnum quam per alium communitati; ac proinde his non obstinantibus, quòd jure communi depopulatores diurni fuerint excepti, ut constat *ex c. inter alia*. dum satis colligitur eum omittendo illos in sua Bulla intendisse jus antiquum tacite corrigere, præsertim dum & alios quosdam casus jure antiquiore exceptos, casibus exceptis in sua Bulla adjunxit. ita Wiestn. & Reiffenst. *ll. cit.* contrarium tamen non improbabiler tenentibus Castrop. *l.c. n. 5*. Delb. Tusch. & aliis apud Farin. *l.c.*

*Quest. 1025. An & quando excludantur asylo, qui in Ecclesia & cæmeteriis committunt homicidia vel mutilationes?*

1. Resp. Excludi illos Asylo, pro ut constat ex Bulla Gregor. *c. fin. h. t.* ubi etiam exprimitur ratio formalibus: *cum in eo, in quo delinquit, puniri quis debeat, & frustra legis auxilium invocet, qui committit in legem, mandamus tales non gaudere immunitatis privilegio, quos faciunt indignos &c.* & ita AA. communiter. Idem est de mutilante aliquem in Ecclesia vel cæmeterio juxta eandem Bullam. mutilatione autem venit, dum alicui per alium auferatur membrum vel pars corporis, quæ specialem functionem seu officium habet ab officio aliarum partium corporis, uti sunt manus, pes, oculus, lingua; mammilla fœminarum, quamvis de his negent Baldus & alii quidam, non vero digitus, etiam pollex, auricula id est, exterior illa cartilago, testes (quamvis de his dubitari possit num sint membrum proprium officium habens) pars aliqua carnis; Cavarruv. *in Clem. si furiosus. p. 3. n. 8*. Molin. *tom. 3. d. 69. n. 2*. Suar. *de cens. d. 44. f. 2. n. 6*. Reginald. *l. 1. n. 91*. Delb. *c. 16. du. 19. f. 1. a. n. 5*. Reiffenst. *h. t. n. 100*. Econtra est seu adhuc gaudet asylo, qui vulnerat alium in Ecclesia, modo non lethaliter, etsi alias graviter cum magna effusione sanguinis, ita contra Tusch. *v. immunitas concl. 59*. Mar. Italia. & alios quosdam, Farin. *l.c. c. 16. n. 227*. Castrop. *tom. 2. tr. 11. d. unic. p. 6. n. 10*. juxta quòd declarasse S. congregationem 16. Novemb. 1618. referunt Pignat. *tom. 6. consult. 4. n. 106*. & Barbos. *jur. Eccl. l. 2. c. 3*. Item adhuc gaudet asylo, qui vulnerat debilitando quidem membrum, quòd proprium officium habet, & sic ad usum reddendo illud ineptum, non tamen abscidendo illud Delb. *l.c.* Extenduntq; hoc ipsū Farin. & Dian. ad reum qui vicinus Ecclesie cum sacelle intrat Ecclesiam, è manib⁹ ejus se eripiens. eundem vulnerat non lethaliter, cum magna effusione sanguinis, neq; enim per hoc committit in Personam principis, quòd vulneret ejus ministrum. Porro extenditur responsio primò ut privetur asylo qui sive cum spe immunitatis sive sine illa sive ex proposito sive ex subita ira aut provocatus (modò cum moderamine inculpatae tutelæ) occidit aliquem in Ecclesia. ita cum probaliore, ut censent, docent Abb. *in c. inter alia. h. t. n. 8*. Covar. *cit. c. 20. n. 15*. Suar. *l. 3. c. 11. n. 6, in fin.* Laym. *l. 4. tr. 9. c. 3. n. 6*. Barb. *l.c. c. 3. n. 104*. Germon. *l.c. l. 3. c. 16. n. 79*. Decian. *l.c. l. 6. c. 28*.